

मार्निंग डोगरी न्यूज़ बुलेटिन, समें. 09-20 Hrs

<><><><><><>

## Headlines

- जम्मू कश्मीर विधानसभा चुनाएं दे पैहले गेड़ लेई अधिसूचना जारी कीती जाग। दक्खन कश्मीर ते चेनाह घाटी दिएं 24एं सीटें पर 18 सितम्बर गी पैहले गेड़ तैहत वोट पाए जांगन।
- जम्मू कश्मीर च विधानसभा चुनाएं गी दिक्खदे होई सियासी गतिविधियां तेज, नैशनल कांफ्रेंस नै अपना घोषण पत्र जारी कीता, पीडीपी ते बीजेपी नै विधानसभा चुनाएं आस्तै प्रभारी नियुक्त कीते।
- उधमपुर दे डूडू इलाके च इक होर आतंकी हमले च सीआरपीएफ दे इक इंसपैक्टर शहीद होई गे।
- प्रधानमंत्री नरेन्द्र मोदी होर मलेशिया दे प्रधानमंत्री अनवर इब्राहिम हुंदे कन्नै अज्ज गल्लबात करगन। प्रधानमंत्री मोदी होरें पैरिस ओलंपिक्स च हिस्सा लैने आले भारतीय खडारिएं कन्नै गल्लबात कीती।
- छड़ी मुबारक पवित्र गुफा च पुज्जी जेहदे कन्नै इस ब'रे दी सलाना श्री अमरनाथ जी दी यात्रा सम्पन्न होई गई। 5 लक्ख शा मते श्रद्धालुएं पवित्र गुफा च मत्था टेकेआ।

<><><><><><>

## JK-Notification

जम्मू कश्मीर च होने जा'रदे विधानसभा चुनाएं दे पैहले गेड़ लेई अधिसूचना अज्ज जारी कीती जाग। इस गेड़ च 24 विधानसभा हल्के च वोट पोआए जाने न, जिंदे च अनंतनाग, शोपिया, कुलगाम, रामबन, किश्तवाड़ ते डोडा जिले च पाँदे विधानसभा हल्के शामिल न। इस गेड़ लेई नामांकन दाखल करने दी खीरी तरीक 27 अगस्त होग जिसलै जे दाखल नामांकनें दी जांच पड़ताल दा कम्म ओहदे अगले रोज 28 अगस्त गी कीता जाग। मेदवार जेकर चाहन तां 30 अगस्त तोड़ी अपने नामांकन वापस बी लेई सकदे न। पैहले गेड़ तैहत मतदान 18 सितम्बर गी करोआया जाग। विधानसभा चुनां लेई खीरी मतदाता सूचि बी अज्ज गै जारी कीती जा'रदी ऐ। एहदे कन्नै गै मेद ऐ जे मतदाताएं दी गिनतरी 90 लक्ख होई जाग। केइ सारे विधानसभा हल्के दी नमें सिरैया हदबंदी कीती गेदी ऐ जेहदे बाद विधानसभा दियां सीटां बी 83 कोला बधियै 90 होई गेदियां न।

<><><><><><>

## NC-Manifesto

नैशनल कांफ्रेंस नै अपना घोषणा पत्र जारी का। नैशनल कांफ्रेंस दे उप-प्रधान उमर अब्दुल्ला होरें आखेआ ऐ जे उंदी पापटी जम्मू कश्मीर दे सियासी ते न्यायचिक दर्ज गी ब्हाल करने लेई लड़ाई लड़ोग। जेहदे च 5 अगस्त 2019 आला फ़ैसला बी शामिल ऐ। श्रीनगर च इक प्रेस कांफ्रेंस गी संबोधत करदे होई उमर अब्दुल्ला होरें आखेआ जे जेकर नैशनल कांफ्रेंस सत्ता च आई तां जम्मू कश्मीर दे लोकें गी 200 युनिट बिजली मुफ्त दित्ती जाग। उनें गलाया जे उंदी पार्टी लोकें दे हक्क लेई लड़ोग ते जेकर भारत सरकार जम्मू कश्मीर दा राज्य दा दर्जा ब्हाल करने च चिर लाग तां ओह सुप्रीम कोर्ट गी परतियै इस बारे चेता दोआंगन।

<><><><><><><>

## BJP-NC Manifesto

सांसद जुगल किशोर शर्मा जेहड़े प्रदेश चुनां अभियान कमेटी दे अध्यक्ष बी हैं, होरें आखेआ जे नैशनल कांफ्रेंस दा चुनां घोषणा पत्र लोकें गी गुमराह करने आला ते झूठ दा पुलिंदा ऐ। एह घोषणा पत्र जम्मू कश्मीर दे मतदाताएं गी छड़ा गुमराह करी सकदा ऐ। इस मौके बीजेपी दे प्रवक्ता एडवोकेट सुनील सेट्ठी बी मजूद हे। बीजेपी दे वरिष्ठ नेता होरें आखेआ जे पीएसए गी हटाना। राष्ट्रीय जरनैली शिडक पर जांच आली थाहरें गी घट्ट करना जां होर दुइयां गल्लां लोक विरोधी ते राष्ट्र विरोधी नजरियै गी दर्शादियां न। उनें इसगी दिशा हीन घोषणा पत्र करार दित्ता।

<><><><><><><>

## BJP-PDP Kashmir

भारत दे मुख् चुनां आयुक्त हुंदे आस्सेआ त्रै गेड़ें च जम्मू कश्मीर च चुनां करोआने बारे असर दे फ़ैसले मगरा प्रदेश च सियासी गतिविधियां तेज होई गेइयां न। बीजेपी नै कश्मीर खित्ते दे विधानसभा हल्के दे प्रभारिं दी सूचि जारी कीती ऐ। तोआई पीडीपी नै दक्खनील कश्मीर दे हल्के लेई प्रभारी नियुक्त कीते न। जित्थें पैहले गेड़ च चुनां होने न। सूचि मूजब साबका मुख्मंत्री महबूबा मुफ्ती हुंदी धीह इलतजा मुफ्ती होरें गी बिज बिहाड़ा हल्के लेई प्रभारी कनयुक्त कीता गेआ ऐ, जिसलै कि होर दुए वरिष्ठ नेता जिंदे च अब्दुल रहमान वीरी, सरताज मदनी, डॉ. महबूब बेग, जी.एन.लोन, गुलाम मोहिउद्दीन वानी ते डब्ल्यू.पी.पर्रा होर बी सूचि च शामिल हे।

<><><><><><><>

## Congress

जम्मू कश्मीर प्रदेश कांग्रेस कमेटी दे प्रधान तारिक हामीद कर्रा होरें आखेआ जे कांग्रेस पार्टी इक नेई सोच रखने आली पार्टीं कन्नै गठबंधन करने लेई तैआर ऐ। उनें दावा कीता जे नैशनल कांफ्रेंस ते पीडीपी नै केन्द्र च कांग्रेस कन्नै चुनां थमां पैहल आला गठबंधन करने लेई बी राबता कीता ऐ। जेकेपीसीसी प्रमुख होरें आखेआ जे जेकर इंडी ब्लाक दिएं पार्टीं गी लगदा ऐ ते उंदा एह बचार ऐ जे बंड पौने आली ताकतें गी हराया जाना चाईदा ते इनें सब्बनें गी किट्ठे रलियै जतन करने लोड्चदे। कर्रा होरें गी हाल च पार्टी दी दिल्ली आला कमान आस्सेआ जेकेपीसीसी दा प्रमुख बनाया गेआ ऐ।



## CRPF

उधमपुर जिले च डूडू इलाके दे चिल ग्रां च सीआरपीएफ दे इक गश्ती दल पर आतंकवादिएं आस्सेआ कीते गेदे हमले च सीआरपीएफ दा इक इंसपैक्टर शहीद होई गेआ, जिसलै के सीआरपीएफ दे गश्ती दल पर घात लाइयै हमला करने आले आतंकवादी उत्थुआं नस्सने च कामयाब होई गे। उआं सुरक्षाबलें आतंकवादिएं दा पता लाने लेई इस इलाके च तपाशी अभियान शुरू करी दित्ते ऐ। अधिकारिएं दस्सेआ जे सीआरपीएफ दी इक टीम इस इलाके च गश्त करा'रदी ही जिसलै उंदे पर छप्ये दे आतंकवादिएं घात लाइयै हमला करी दितता। सीआरपीएफ दे जवान जवाबी कारवाई कीती ते टाकरा भखी पेआ। टाकरे च हरियाणा दे बसनीक ते सीआरपीएफ दे इंसपैटर कुदीप कुमार होर शहीद हाई गे। सेना, सीआरपीएफ, पुलस ते एसडीजी दी टीम तुरत मौके पर पुज्जियै इलाके च तलाशी शुरू करी दितती। उआं आतंकवादिएं कन्नै फही ओह्दे मगरा संपर्क नेई होआ ऐ। उआं आतंकवादिएं दी गिनतरी 3 थमां 4 होने दी संभावना ऐ। ची नदी एह घटना डोडा जिले दे अस्सर इलाके च होई दी गोलीबारी दे 5 दिनें मगरा होई ऐ। जेह्दे च सेना दे इक कैप्टन शहीद होई गेआ हा।



## PM-Talks

प्रधानमंत्री नरेन्द्र मोदी होर अपने मलेशियाई जोड़ीदार दातो सेरी अनवर बिन इब्राहिम अज्ज नमीं दिल्ली च दपक्खियां वार्ता करगंन। वार्ता मगरा केई समझौते पर दस्तखत होने दी मेद ऐ। इब्राहिम होर भारत दी त्रऊं दिनें दी राजकीय यात्रा पर कल नमीं दिल्ली पुज्जे। केन्द्रीय जल शक्ति ते रेल राज्य मंत्री वी.सोमन्ना होरें ब्हाई अड्डे पर उंदा सुआगत कीता। मलेशिया दे प्रधानमंत्री दे तौरा पर इब्राहिम हुंदी एह पैहली यात्रा ऐ। अज्ज बडलै राष्ट्रपति भवन दे अहाते च आए दे अतिथि हुंदा ओपचारिक सुआगत कीता जाग।

ओहू महात्मा गांधी होरें गी श्रद्धांजलि देने लेई राजघाट जांगन ते ओहूदे मगरा दौनें मुल्खें बश्कार दपक्खियां चर्चा होग। प्रधानमंत्री मोदी अपने मलेशियाई हमरूतबा हुंदे सम्मान च दपैहरी दी धाम दा सरिस्ता करगंन। इब्राहिम हुंदा संजा राष्ट्रपति भवन च राष्ट्रपति द्रौपदी मुर्मू हुंदे नै मुलाकात करने दा कार्यक्रम ऐ। भारत ते मलेशिया बश्कार निग्गर ऐतिहासक ते सामाजिक सांस्कृतिक सरबंध न।

<><><><><><>

## PM-Paris

प्रधानमंत्री नरेन्द्र मोदी होरें कल पैरिस पैरा ओलंपिक्स च हिस्सा लैने जा'रदे भारतीय खडारिएं कन्ने वीडियो कांफ्रेंसिंग राएं गल्लबात कीती। पैरिस पैरा ओलंपिक्स खेड्डां इस म्हीने दी 28 तरीक कोला शुरू होआ'रदियां न। गल्लबात दरान मोदी होरें आखेआ जे पैरिस जाने आले खडारी भारत दा झंडा फगडियै देश दे प्रतिनिधि दे रूपै च जा'रदे न ते एह यात्रा उंदे जीवन ते उंदी खेड्ड लेई बड़ा मता महत्व रखदी ऐ। मोदी होरें आखेआ जे 140 करोड़ देशवासी इनें खडारिएं गी अपना शीरवाद ते शुभकामनां देआ करदे न। तोआई खेड्ड मंत्री मनसुख मांडविया होरें आखेआ ऐ जे ऐकती पैरा ओलंपिक्स च भारत अजें तोड़ी दा सब्बने शा बड्डा दल भेजा करदा ऐ। उनें दस्सेआ जे कुल 84 प्रतिभावान खडारी पैरिस पैरा ओलंपिक्स च भारत दी नुमायंदगी करै करदे न।

<><><><><><>

## Amarnath Yatra

इस ब'रे दी सलाना श्रील अमरनाथ यात्रा औपचारिक तौर पर कल संपन्न होई गई। कल छड़ी मुबारक पवित्र गुफा च पुज्जी ही। 52 दिनें दी एह यात्रा श्री अमरनाथ जी श्राईन च पूजा अर्चना मगरा सम्पन्न होई। वीरवारें पंचतरनी थमां यात्रा अग्गे शुरू होई, सोमवारें एह छड़ी पवित्र गुफा थाहर पुज्जी। जेहूदे मगरा इस ब'रे दी सलाना यात्रा सम्पन्न होई गई। इस ब'रे 5 लक्ख थमां मते श्रद्धालुएं पवित्र गुफा च मत्था टेकेआ ऐ। पिछले ब'रे 4 लक्ख 50 जहार श्रद्धालुएं पवित्र गुफा दे दर्शन कीते हे। हालांके इस ब'रे दा आंकड़ा 2012 दे आंकड़े थमां घट्ट ऐ। 2012 च 6 लक्ख थमां मते श्रद्धालुएं पवित्र गुफा च मत्था टेकेआ हा। 19 अगस्त गी रकखड़ पुन्नेआ आले दिन यानि कल छड़ी मुबारक पवित्र गुफा च बडलै सवेला पुज्जी ही ते बडलै पूजा अर्चना होई। दिन भर चली दी पूजा अर्चना मगरा इस ब'रे दी सलाना श्री अमनाथ जी दी यात्रा सम्पन्न होई गई।

<><><><><><>

## Machail Yatra

श्री मचेल माता यात्रा दी पवित्र छड़ी कल माता दे दरबार पुज्जी ही। इस छड़ी दा श्रद्धालुएं आस्सेआ जोरदार सुआगत कीता गोआ। पूजा मगरा छड़ी जम्मू लेई परतोई औग जेह्दे कन्नै गै सलाना यात्रा सम्पन्न होई जाग।

<><><><><><>

## CS-Tourism

मुख्य सचिव अटल डुल्लू होरें इस ब'रे 20 अक्टूबर गी होने आली कश्मीर मैराथन 2024 दा आयोजन करने लेई सैलसफा मैहकमे आस्सेआ तैआरिएं दा जायजा लैता। बैठक च सैलसफा सरबंधी अधिकारिएं बी हिस्सा लैता। इस दरान मुख्य सचिव होरें मुत्तलका अधिकारिएं गी जोर देयै आखेआ जे पंजीकरण गतिवधिएं च सुधार कीता ते एह्दे लेई सोशल मीडिया दा बी इस्तेमाल करना लोड़चदा तां जे बद्ध शा बद्ध शमूलियत दिखने गी लब्धै। उनें एथलीटें दे बक्ख-बक्ख समूहें गी जेह्दुडे इनें खेड्डें च रूचि रखदे न, राबता करने लेई आखेआ। उनें एह् बी आखेआ जे कश्मीर च होआ'रदे इस बड्डे इवेंट बारे लोकें गी जानकार बनाने लेई इनफल्सूनसर ते मोटीवेटर दी बी मदाद लैन। एह् मैराथन अपनी किस्मा दी पैहली मैराथन की जे फुल ते हाटु दौनें मैराथनें लेई इनाम बी घोषत कीते गे न। इंदे च 18-35 ब'रे, 36-50 ब'रे ते 50 शा बद्ध उमरी दे लोकें हिस्सा लेई सकदे न ते जेतुएं गी इनाम बी दित्ते जांगन।

<><><><><><>

## JK-Earthquake

जम्मू कश्मीर च अज्ज बडलै बारामुला जिले च 4.8 दी तेजी आला भूंचाल आया। सोशल मीडिया पोस्ट पर भूंचाल बारे जानकारी रखने आले राष्ट्रीय सिस्मोलोजी केन्द्र नै इस बारे जानकारी दित्ती ऐ। उआं एह्दे कारण कुसै जानी जां माली नुकसान दी कोई खबर नेई ऐ। अधिकारी इस घटना दे बाद स्थिति पर नेडमी तक्क रखा करदे न।

<><><><><><>

## Supreme Court Kolkata

कोलकाता च हाल च गै इक महिला डाक्टर कन्नै दुष्कर्म ते हत्या आले मामले दी सुनवाई अज्ज सुप्रीम कोर्ट च होग। भारत दे मुख्य न्यायधीश डी.वाई.चन्द्रचूड़, न्यायमूर्ति जे.बी.पारदीवाला ते मनोज मिश्रा हुंदी पीठ इस मामले दी सुनवाई करोग।

सुप्रीम कोर्ट नै इस मामले च आपूं संज्ञान लेंदे होई एहदीकरने दा फ़ैसला लैता हा। पच्छम बंगाल दे आर.जी. कर मैडिकल काले ते अस्पताल च होई दी इस घटना गी लेइयै समूलचे मुख्यै च बरोध प्रदर्शन पिछले केइएं दिनें थमां चलै करदे न। मुख्य भरै दे मैडिकल कालेजें ते अस्पतालें दे डाक्टर अपनी सुरक्षा गी लेइयै चिंता च न। कोलकाता हाई कोर्ट च इस मामले दी सुनवाई पैहले थमां होआ करदी ऐ। अदालतै इस मामले दी जांच सीबीआई गी सौंपने दा हुक्म जारी कीता हा। पीड़िता दे माता-पिता ते किश होर लोकें पुलस दी जांच0 पर बेसंदोखी प्रगट करदे होई कोर्ट च अपनी अर्जी दायर कीती ही।

<><><><><><>